



quousque Canticum Magnificat. cum sua Antiphona finitur. Deinde prosternant se Fratres, etiamsi Vigiliæ sint solemnes, nisi festum fuerit. Quod si festum fuerit, inclinet chorus contra chorum, et dicto Pater noster., dicatur Psalmus Lauda ánima mea Dóminum. legendo voce mediocri et per V. Réquiem. terminetur; et dicendus est totus a Fratribus prostratis tempore prostrationum, a Fratribus vero erectis tempore inclinationum. Finito Psalmo, Hebdomadarius erectus et conversus ad Altare dicat :



V. A porta ínfe-ri. R. Eru-e Dómine ánimas e-órum.



Dóminus vobíscum. R. Et cum spí-ritu tu-o. Orémus.

Et dicat Orationes alta voce eo modo quo in Vesperis Orationes dici solent. Orationes vero hoc ordine dicantur :

✿ Si fiant Vigiliæ pro aliquo Episcopo vel Sacerdote, dicatur prima Oratio Deus, qui inter apostólicos.; si pro quocumque alio Viro, Inclína.; si pro Femina, Quæsumus Dómine.; secunda Deus vénia largítor., tertia Fidélium Deus.

✿ Si fiat Officium ordinarium pro Fratribus, Sororibus, Familiaribus et Benefactoribus, prima erit Deus vénia largítor., secunda Deus, qui nos patrem et matrem., tertia Fidélium Deus.

✿ In omni Anniversario, prima erit Deus indulgentiarum., secunda Deus vénia., tertia Fidélium Deus.

✿ Si simul evenerit Obitus et Anniversarium, dimittatur Oratio Deus vénia., et prima dicatur pro præsentí Defuncto, secunda de Anniversario, tertia non mutetur.

Tres autem Orationes hac una clausula terminentur : Qui vivis et regnas cum Deo Patre.